

S'amigu

Pensa chi est troppu s'attrivida
A mi giansre amigu dese ischiro
In s'amigu b'est s'anima unida
In su gosare e in su patire
E non pode cansare ne fuire
Si b'hapéra bisonzu 'e sa vida
Pritte s'amigu 'onu est sempre gai
Perde sa vida e non lu zedi mai

2

Bind'hada medas chi sunu aggiardosos
Ma sun pensende a su bisonzu insore
E paren chi ti dian su coro
Fattendedi giochittos curiosos
Finza basende che duos ispesos
Si rustrana pro ottenner su tesoro
E de custos beind'hada a reu
C'amen insore e cheren su meu.

Cantas bias e cantas mi so 'idu
A perdere interessu e amicizia
Pro fagher bone fin'a sa giustizia
In medas casos mi ha priubidu
Comente? cando isse a mie ha bidu
In bisonzu s'es resu cun avarizia,
Comente faghet a mi giansre amigu
Cando est isse solu s'inimigu?

4

S'amigu curre sempre a su turmentu
A su bisonzu e a sa maladia
A sa fadiga de sa marturia
Ue non mancas mai s'ispaventu
Ca hi manca su pane, s'alimentu
Chi faghe parte a sa vida mia
Solu si ses goi ti addoro
E cun tecu divido anima e coro.

5

S'amigu has s'isperanzia 'e su coro
Ue brillada amore e fantasia
Inue tutta canta s'armonia
Si unidi pro formare su tesoro
Ecco proitte a Deus eo imploro
Chi indovines sa giusta compagnia
Ma si pro te intendo amore e dolo
Zert, pro viver male est mezzu solu

"Carralzu"

Sa rughe

Sa rughe dà s'avvisu a su dolore;
Ammentu de tristure e de piantu!
Siada in domo che in campusantu
Cando la 'ido, mi faghe terrore

2

Eppuru tutt'a issa una fiore
Bada e mi lu miru cun incantu
Pro cantu chi mi 'eni su piantu
E dai nou mi torra su dolore.

3

In cussa rughe b'est su coro meu,
Ca l'amo e bi prege notte e die
E la gherzo vicinu a faccia a mie
E solu goi est chi do recreu.

4

Ahi, rughe fatale! Dammi avvisu
Già chi ses sentinella affacca a chie
L'amala e la giamo ogni die
Cun boghe trista e coro dezisu

5

Nareli chi la gitto sempre in mente
E m'amentu sa salida mirada
Su visu graziosu 'e cudda feda
S'amore giustu, s'affettu innozzente.

Èo non lu so no, indifferente
Hoppo ses modos chi tue haisti
E so precisu comente mi fisti
De duos coros unu e solemente

7

Su piantu chi fatto sempre reu
Già lu cumprondes: sa tua mancada.
No happe isperu ne cunfortu b'hada
Tottu est finidu pro su parre meu.

8

O anime innozzente, prega tantu
Chi mi dia cunfortu e isperanzia
E torre cudda solita abbondanzia
De giogu, de ispessu e de incantu.

9

O deus meus, dademi s'onore
Chi preghende bo so a pilu isortu:
Otorred'issa o pur'eu mortu
Solu goi pagades cust'amore.

10

Grazias tante dae coro mando
E perdonu pro canto happe pedidu
A bois Deus chi m'hazie sighidu
In su duru dolore, raccumando.

Corraalzu

INVOCAZIONE DI UN CIECO

Piedade, Signore, Piedade
Tehide, già chi eo so naschidu
Sutta s'astru, chi 'oisi elegidu
Azzis, pro s'intera umanidade!

2

Si meritu tenzo a mie puru
Dademi si mi l'hapo meritadu,
Ca s'immensu de dare non est dadu
In manos bostras est sempre seguru.

3

Padronu de tanta immensidade,
Ue brillana istella, riccu mantu;
Immensa terra, mare atter' e tantu
Si movene a sa 'ostra voluntade.

4

Bois sezzis su babbu 'e su dolore
Eo so^ofizzu 'e s'infortuna,
Ca oras ^{si} non de passo una;
Suttapostu ogni die a su duttore.

5

Sempre suffrende totta vida mia,
Ca senza mama so e a sa sola
Babbu fi mortu cando in una iscola
Fia; cun zegos e surdos si vivia.

Faghe chi 'ida brillante cudda era
E chi fatta signales cun sa manu
E chi 'ida su sole su manzanu,
Naschende sutta s'astru in lughe vere

7

Faghe chi conosca su colore
De istellas, terra, sole e luna
E la potta contare a una a una
E conosca de issas s'isplendore.

8

Lassa chi 'ida cuddu campusantu
Ue sunu sos mios sepultados,
Ca non los hapo 'idos né giamados
E ne lagrimas versei de plantu.

9

O Deus, o Signore, o Altu Gradu
Infinitu de amore e bonidade,
Lastimas tenzas giusta piedade
De custu fizzu tou inventuradu.

10

Eo so firmu sutta cussa rughe
A manos giuntas e sempre preghende
E ippero chi siada arrivende
Cudda tanta asettada ricca lughe.

" Corralzu "